



Groupe parlementaire

Här Claude Wiseler  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, den 3. Abrëll 2024

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Finanzminister weiderzeleeden.

Duerch d'Annulatioun vun der Circulaire L.I.R. 46/2 vum 23. Mäerz 2018 kënnen Independanten hir Sozialsaschte säit dem 1. Januar dëst Joer net méi iwwert hire Betrib bezuelen, mee müssen dës aus eegener Täsch virstrecken. Déi Moosnam, déi ob den éischte Bléck wéi eng reng Ëmstellung vun der Comptabilitéit ausgesäit, bedeit fir d'Betriber awer dacks zolidd Méikäschten, well déi betrafte Leit sech déi entspreichend Zomm fir d'éischt musse virstrecken an deementspreichend versteieren. An der Äntwert op déi parlamentaresch Fro Nummer 8344 aus der Legislaturperiod 2018-2023 hat déi deemoleg Madamm Finanzminister dës Moosnam mat enger Incompatibilitéit mat den Artikelen 109 an 110 vum modifizéierten Akommessteiergesetz vun 1967 begrënnt.

An deem Zesammenhang géif ech dem Här Finanzminister gär dës Froe stellen:

- 1) Gesäit den Här Minister net de Risiko, datt duerch dës Decisioun manner Leit sech trauen, sech selbststänneg ze maachen?
- 2) Kéint den Här Minister sech virstellen, d'Akommessteiergesetz vun 1967 esou ze iwwerschaffen, datt déi bis 2023 üblech Comptabilitéit vun de Sozialsaschte fir Selbststänneger nees kann applizéiert ginn?

Mat déiwem Respekt,



Fred Keup  
Deputéierten